

Kata Pengalo – Ngalo ras Momo

=====

Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanan perpulungan Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

Senina ras turang i bas kekelengen Tuhanta Jesus Kristus, minggu enda igelari Minggu Gereja ras Negara. Itamaken Dibata kita ibas negara enda si jadi inganta tading i doni, bage pe jadi inganta nggeluh selaku kalak Kristus. Dibata pe mereken negara man banta guna ngelai kita anak-anak Dibata, janah nehken ras ndalanken keadilen man banta kerina. E maka arah kebaktin enda kita ngaloken pendilo idur Dibatab nari guna guna ngatakan bujur man baNa erkiteken kerina pemereNa man banta, janah gelah kita ngasup nggeluh selaku warga negara si mehuli, si nampati ras notoken negara.

Erkata Lonceng

(Perp. tedis)

Rende

KEE No. 216 : 1, 2, 3, 4

(Serayan Kebaktin Bengket Ku Mimbar)

Kebaktin Minggu, 16 Agustus 2026
Minggu XI Kenca Trinitatis / Minggu Gereja ras Negara

3	Votum – Salam <i>(Perp. tedis)</i>
L	I bas gelar Dibata Bapa si manteki Negara, I bas gelar AnakNa Jesus Kristus si nelamatkan Negara ras I bas gelar Kesah Si Badia si ngarak-ngarak Negara. Perkuah ate ras dame i bas Dibata Bapa, AnakNa Jesus Kristus nari, ras i bas kerembaken Kesah Si Badia ras kita kerina gelah. Amin
P	Amin Amin Amin <i>(iendeken)</i>
4	Berita Kerna Perbahanen ras Sura-sura Dibata (Invocatio)
L	“Kerina kam arus patuh man pemerintah si erkuasa, sabap labo lit pemerintah si la i bas Dibata nari, janah pemerintah si lit genduari e pe Dibata nge netapkenca” (Roma 13 : 1). Erpalasken Kata Dibata enda, sipuji IA alu ras kita rende : KEE No. 387 : 1, 2, 3
5	Perbahanen Dibata Man Manusia <i>(Perp. kundul)</i>
L	Dibatanta e me Dibata si mehuli. ItepaNa doni enda alu kiniulin janah itetapkenNa manusia jadi aronNa guna njagai ras mpekenakena doni enda. IberekenNa tanggung jabab man banta ngaturken doni enda segelah ndalanken si ngena ateNa.
P	Terpujilah Dibata ibas kerina kiniulinNa
L	I tengah-tengah kegeluhen bangsaNa, Dibata tetap erdahin guna nehken kiniulin. IangkatNa imam-imam guna mabai perpulungen gelah nandai Dibata ras sura-suraNa. IberekenNa pemerintah guna mperjuangkan kebebasan bangsaNa, guna ngepkep perpulungenNa bage pe guna ngerunggui anak-anakNa. Bage me Dibata erdiate nandangi perpulungenNa.
P	Terpujilah Dibata ibas kerina kiniulinNa.
L	Mari supuji Tuhan arah ende-endenta : KEE No. 243 : 1, 2

6	Kinata Kegeluhen Kalak Kristen i bas Erbangsa ras Ernegara
L	Tuhan Dibata make negara erdahin guna ngelain kita
P	Ngaku kami Tuhan, megati kami lupa maka negara enda ipakeNdu jadi dalam ibas nehken sura-suraNdu nandangi kami kerina.
L	Adi negaranta pe ipake Tuhan jadi perkakasNa, arusna selaku anak-anakNa kita patuh nandangi undang-undang negaranta enda.
P	Ngaku kami Tuhan, kepatuhen kami nandangi negara rusur kal labo iakap kami jadi tanggung jawab kami selaku anak-anakNdu. O Tuhan, sampati kami gelah ngasup ngidah maka negara kami enda perkakasNdu kap. Sampati kami segelah ngasup encidahken buah kiniteken kami arah kepatuhen nandangi undang-undang negara kami enda.
L	Mari tole siakuken salah lepakta man Dibata, arah ende-endenta : KEE No. 377 : 1, 2
7	Pedah Dibata Kerna Erbangsa ras Ernegara <i>(Perp. tedis)</i>
L	Selaku persuruhan Dibata, aku nehken kataNa man banta, niNa: <i>“Erdahinlah guna kiniulin kuta-kuta ija kam tading. Ertoto guna keperlun kuta e, sabap adi sikap ia kam pe ikut sikap”</i> Amin. <i>(bdk. Jeremia 29 : 7)</i> Sipuji Tuhan erkiteken padanNa arah ende-endenta : KEE No. 53 : 1, 2
8	Kata Dibata <i>(Perp. kundul)</i>
a	Marilah sibegiken Kata Dibata si man ogenken ibas Minggu enda sini ibuat ibas Kitab 2 Samuel 23 : 1 - 7 . Mari siogeken secara pegancih
	<u>Kata-kata Daud si perpudina</u>
23:1	Daud anak Isai. Dibata erbahanca ia jadi si mbelin. Dibata nu
L	Jakup milih ia jadi raja. Janah ia nuratken ende-enden man Israel. Enda me kata-kata Daud si perpudina:

23:2 P	Kesah TUHAN ngerana arah aku; pedahNa i bas babahku.
23:3 L	Dibata nu Israel enggo ngerana, penampat Israel ngerana bangku: “Raja si merentah alu adil, si merentah i bas kepatuhen nandangi Dibata
23:4 P	bali ras sinalsal matawari si la lit embunna, matawari si erbahan dukut erndilap kenca udan.”
23:5 L	Janah bage me Dibata masu-masu kesusurenku, sabap enggo ibahanNa sada perpadanen si tetap man bangku, sada perpadanen si la banci iobah sada padan si la sambar-sambar. E me kerina kesikelku e me kemenanganku janah Dibata kap merekenca.
23:6 P	Kalak si ngelawan Dibata bali ras duri si ibenterken; ise pe la pang ncikepsa alu tanna.
23:7 L	Pala ipakena perkakas besi ntah lembing; meseng me kerina kalak si ngelawan Dibata.
	Ketuahen kalak si megiken Kata Dibata dengen si makekenca i bas geluhna si tep-tep wari, Haleluya. Ialoi perpulungen alu ngendeken : <i>Haleluya</i> <i>Haleluya</i> <i>Haleluya</i>

b	Ertoto guna Khotbah
c	Khotbah : 1 Petrus 2 : 13 - 17. Tema : “Nggeluh Bagi Suruh-suruhén Dibata”
d	Ertoto kenca khotbah
9	Pengakun Kiniteken <i>(Perp. tedis)</i>
	Aku tek man Dibata Bapa si la ersibar kuasaNa, si nepa langit ras doni. Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhén Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate. Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap. Amin.
10	Persembahen Pengataken Bujur <i>(Perp. kundul)</i>
L	Genduari seh me paksana ngendesken pengataken bujur man Tuhan. Kata Dibata si jadi palas kita nehken persembahen pengataken bujur man Dibata ibuat ibas Roma 12 : 1, nina : <i>“O senina-seninangku, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata, sue ras biakndu selaku mahluk si rukur”</i> Tupung ngendesken persembahen sipuji Tuhan alu ras rende : KEE No. 302 : 1, 2, 3 Pertoton Persembahen ras Sapaat

11	Perpadanen Man Dibata <i>(Perp. tedis)</i>
L	Dibata masu-masu kam, ikelengiNa kam alu mereken negara jadi ingandu tading ras jadi dalandu ngidah sura-sura Dibata. Kai nge perpadanendu man Dibata kerna negarandu?
P	Bujur Tuhan ibas negara si iberekenNdu man kami. Erpengangka kami maka negara e me perkakasNdu guna nehken sura-suraNdu. Erpadan kami Tuhan, nggit naksiken geluh selaku anak-anakNdu, bage pe selaku warga negara si mehuli.
L	Dibata mereken tanggung jabab man bandu selaku aronNa i doni enda, guna nehken si ngena ateNa i tengah-tengah negaranta. Kuga dage nindu ngaloisa?
P	Erpadan kami Tuhan, nggit ndalanken tanggung jabab selaku warga gereja bage pe warga negara Indonesia si mehuli alu mpekena-kena negara kami.
L	Sipepaguhi dage perpadanenta enda, ras kita rende arah : KEE No. 430 : 1, 2, 3
12	Pertoton Tuhan
13	Pengutusen ras Pasu-pasu Dibata
L	Bengketlah ku bas kegeluhendu si teptep wari, cidahkenlah keleng atendu man Tuhan, patuhlah kam man negara. Jadilah warga negara si mehuli alu ndalanken tanggung jawab. Guna jadi gegehndu, alokenlah pasu-pasu idur Dibata nari : <i>“Ipasu-pasu janah ikawali Dibata kam; siang ayo Dibata ersinalsal ibabondu; janah melias ateNa ngenehen kam. Itatap Dibata ku kam, janah malem atendu ibahanNa”</i> Amin. (bdk. Bilangan 6 : 24 - 26).
	Ialoi perpulungen alu ngendeken : A..min A....min A min
	SELAMAT HARI MINGGU/SYALOOM.....